



Odbor za informatiku i telematiku Grada Sarajeva

Broj: 04-GV-02-1937-2/17

Datum, 12.12.2017. godine

Odbor za informatiku i telematiku Grada Sarajeva, na 10. sjednici održanoj 12.12.2017. godine, u funkciji pripreme za 10. sjednicu Gradskog vijeća Grada Sarajeva, razmatrao je:

2. Prijedlog Politike Grada Sarajeva za mandatni period 2016-2020

i podnosi Gradskom vijeću Grada Sarajeva sljedeći:

IZVJEŠTAJ

TAČKA 3.

Prijedlog Politike Grada Sarajeva za mandatni period 2016-2020

Poslije kratkih uvodnih napomena, rasprave i sažetka Predsjedavajućeg jednoglasno su usvojeni sljedeći **zaključci**:

- Odbor za informatiku i telematiku je stava da su politike navedene u razmatranom prijedlogu, uopćene imajući u vidu period za koji se politika formulira, te stvarne probleme građana i nadležnosti Grada Sarajeva.
- Odbor za informatiku i telematiku predlaže da se politika dopuni razradom Izazova 10. „Sarajevo pametan grad“ koji je u prilogu ovog akta, s tim da se pored četiri politike nevedene u priloženom aktu, unese i izrada projekta virtuelnog muzeja Grada Sarajeva kao peta politika.
- Odbor za informatiku i telematiku sugerira Gradskom vijeću da razmatra Prijedlog politike Grada Sarajeva za mandatni period 2016-2020 kako je predložen, uz prihvatanje prijedloga iz člana 2. ovog akta.
- Ukoliko Predlagač ne prihvati izneseni prijedlog, on postaje amandman ovog radnog tijela.

PREDSJEDAVAJUĆI ODBORA

Ismir Arslanović, s.r.



Politike gradonačelnika za mandatni period 2016 – 2020

IZAZOV 10 – PAMETNI GRAD SARAJEVO

Prema nekim istraživanjima, tržište pametnih gradova do 2020. porast će na oko 1,5 biliona američkih dolara, od čega će se oko 25% odnositi na projekte pametnog upravljanja ili eUprave i na obrazovni segment dok se najbrži rast očekuje se u energetskim rješenjima koja bi do 2020. trebala porasti za više od 25%, na 250 milijardi dolara.

POLITIKE

1. Izrada Strategije razvoja pametnog grada – Sarajevo, grad budućnosti

- a. Izrada projekta i prijava na konkurs Horizon2020 - Smart Cities and Communities lighthouse projects
- b. Podsticaji za poduzetnike i poduzetničke ideje koje će dovesti grad Sarajevo u kategoriju „pametnih gradova“ (pametno upravljanje gradom, infrastrukturom, energentima, prometom, sigurnošću)
- c. Postavljanje hotspot WIFI uređaja na mjesta od značaja za Grad Sarajevo (trgovi, stanice i sl.)
- d. Postavljanje pametnih solarnih klupa i drveća za punjenje mobilnih i drugih uređaja

2. Implementacija projekta „Narrative Reporting City Cloud“ - omogućava organizacijama da usmjere interne i eksterne procese izvještavanja kroz kombinaciju podataka, narativa i konteksta u jedinstvenom, sigurnom i kolaborativnom okruženju kreiranom na najboljim svjetskim praksama

- a. Uvođenjem ovog sistema izvještavanja smanjuju se greške pri izvještavanju i/ili manipulaciji podacima
- b. Uvođenjem ovog sistema kreira se jedinstven radni tok u kojem je definisano ko ima kakve ovlasti prilikom odobravanja, potpisivanja, objašnjavanja i bilo kakvog drugog rada sa dokumentima i podacima
- c. Osiguravanje „mobile friendly“ komponente u cilju lakšeg praćenja rada i aktivnosti uposlenika Gradske Uprave

3. Implementacija projekta „Social City Cloud“ – omogućava osluškivanje i praćenje svih pojava na društvenim mrežama i internetu u kojima se grad Sarajevo javlja u bilo kojem kontekstu; na ovaj način se gradi i jača odnos sa građanima, dolazi do novih ideja, prate se potrebe građana, kreira se brend grada, postiže se uvid u analitiku i optimizaciju sadržaja, lakše se dolazi do ciljne skupine i slično.

3. Izrada geoinformacijskog sistema (GIS) Grada Sarajeva i e-pisarnice

- a. omogućavanje elektronskog pristupa i pregleda digitalnih ortofoto karata grada, digitalnih topografskih karata grada, digitalnog katastra, adresnog modela i
- b. digitalna pohrana dokumenata u cilju jednostavnijeg upravljanja dokumentima u cilju transparentnije interakcije Gradske Uprave sa građanima
- c. praćenje toka predmeta/slučaja na način da građanin u svakom trenutku ima uvid u vlastite predmete koji se obrađuju u nekom od Upravnih odjela gradske uprave

4. Besplatni programi informatičkog opismenjavanja stanovništva u cilju smanjenja procenta informatički nepismenog stanovništva na prostoru Grada i šire